



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Parallelæ Geographiae Veteris Et Novae**

**Briet, Philippe**

**Parisiis, 1649**

Nvm. 2. Populi.

**urn:nbn:de:hbz:466:1-13167**

prouinciae, & in quatuor partes distributum, cum totidem legiōnibus in eius custodiam relictis. Quomodo autem sub Imperatoriis posterioribus sit administrata Macedonia, diximus ex Notitiā Imperij libro superiore.

§. 2. *Theffalia.*

N V M. 1. *Nomen.*

DICTA est THESSALIA à Thessalo quodam, de quo non conueniunt scriptores; Strabo enim filium Æmonis hunc facit: alij patrem eiusdem Æmonis, cuius filium Phthium fuisse volunt, unde regio Phthiotis, quam tamen Stephanus à Phthiâ muliere, alij à Phthio Neptuni, & Larissæ filio appellatam malunt. Velleius Paternus tamen lib. 1. à Thessalo Thesprotio Thessalam nuncupatam ait, qui Achæorum pulsorum ex Peloponneso Dux, auctor eis fuit occupandæ telluris Pelasgorum. Dicta ergo fuit etiam

PELASGIA à Pelasgiis populis barbaris, vagis, & immanibus, qui agrum à Peneo Fl. ad Thermopylas incoluerunt, & *Pelasgicum Argos*, appellauerunt, dicti aliter Myrmidones, Hellenes, & Achæi. Item etiam olim dicebatur

PYRRHOEA à Pyrrha Deucalionis uxore, ut vult interpres Apollonij. Addit Strabo lib. 9. olim in duas distributam esse partes tempore Deucalionis, cīque meridionalem partem obtigisse, quam de matris nomine *Pandoram* appellauit, alteram Æmoni nomen habuisse.

N V M. 2. *Populi.*

PRÆCIPVI, & celebratissimi apud scriptores sunt Pelasgi, Myrmidones, Magnetes, Lapithæ, Centauri, Minyæ: item etiam Dolopes, qui commodiūs in Epitum reiiciuntur.

PELASGI à Pelasgo Argiuo nomine accepere, ait Staphylus, qui cùm in Thessaliâ consedisset eam de suo nomine dixit. Eustathius eum Æmonis & Larissæ filium facit, & ei frates tribuit Phthium, & Achæum. Fortè idem est cùm eo, cuius meminit Pausanias, qui primus ruguria & ciborum meliora genera dicitur inuenisse, sed de iis accuratiūs Num. 5.

MYRMIDONES primūm in Æginâ Insulâ natū ex formicis vt

docent fabulæ; ut historia, in antris delitescentes. Ab iis omnes Thessalos appellatos Myrmidonas afferit Philostratus, olim magninominis, quoniam Achillis comites exitere. Dicebantur aliter Περσαι, ut dicemus parte secundâ huius libri.

MAGNETES incolæ Magnesiaæ à Magnete filio Æoli sic appellati. Horum regio apud Flaccum *Magnes campus* nominatur, *Æmonia* apud Ouidium, ut credit Ortelius; apud Ptolemæum Pteriam & Pelasgiæ comprehendit.

LAPITHÆ Pindum & Othrym montes olim incoluerunt, & Pyrithoum Principem agnouerunt. Tribuitur iis primus usus fræni apud Virg. 3. Georg. *Frena Peleibrony Lapitheæ*, &c. An sic dicti à Lapitheæ Periphantis filia, an à Lapithâ filio Apollinis & Stilbes, dubium est.

CENTAVRI montem Pelion accolebant, & castrum Nephelen, vnde fabulæ locus. Primi equos domuisse dicuntur, vnde quoque fabula. Dicti à Græco κένταροι, quod stimulo boves impellerent.

MINYÆ quoque Thessalis adnumerantur: Argonautarum filij à Strabone dicuntur Μίνυοι: & verò à Poëtis Argonautæ ipsi Minyæ nominantur. Ita nuncupantur à Minyeo Thessaliæ fluvio qui postea dictus est Orchomenus. Alij malunt à Minyeo urbe Bœotia, quæ item Orchomenus postmodum appellata est.

#### N V M. 3. Quantitas.

*Latitudo* ab ostio Ludiæ fluuij ad montem Octam 775. stadiorum.

*Longitudo* à Bretecesio monte ad Sepiam extremam 1800. stadiorum.

#### N V M. 4. Qualitas.

HERODOTVS in Polyhymniâ, seu lib. 7. tradit, credi vulgo totam olim Thessaliam stagnum fuisse, & quamquam per eam flumina decurreret, nulla tamen habuisse nomina. Neptunum autem fecisse conualem, per quam Peneus Fl. in mare deflueret; vnde fabulæ locum datum esse, Neptunum hinc terras quatere: neque opus fuisse terræ motu, ut ostia Penei diducerentur. Plato autem, Seneca, & Athenæus afferunt Ossam, & Olympum montes terræ motu à se inuicem recessisse, & huic flumini ad mare viam aperuisse. Ceterum quæ amœna deinceps fuerit Thessalia, & quæ ferax colliges ex loco quem vocant *Thessala Tempe* inter

V u iii